

IV. OPOSICIÓNS E CONCURSOS**UNIVERSIDADE DE SANTIAGO DE COMPOSTELA**

RESOLUCIÓN do 3 de decembro de 2024 pola que se aproba e se fai pública a listaxe definitiva de persoas admitidas e excluídas e se convocan as persoas aspirantes á realización do segundo exercicio do proceso selectivo para cubrir oito prazas na escala de axudantes de arquivos, bibliotecas e museos, especialidade bibliotecas, subgrupo A2, pola quenda de promoción interna.

Mediante a Resolución reitoral do 30 de abril de 2024 (DOG do 13 de maio), convocáronse probas selectivas para cubrir oito prazas na escala de axudantes de arquivos, bibliotecas e museos, especialidade bibliotecas, subgrupo A2, pola quenda de promoción interna.

Mediante a Resolución reitoral do 23 de agosto de 2024 (DOG do 3 de setembro), aprobouse a relación provisional de persoas aspirantes admitidas e excluídas nas mencionadas probas selectivas e fixouse un prazo para emendar os defectos que motivasen a exclusión ou omisión.

Rematado ese prazo e consonte o establecido na base 4.4 da convocatoria,

RESOLVO:

Primeiro. Declarar aprobada e facer pública a listaxe definitiva de persoas admitidas e excluídas ás citadas probas.

Segundo. Indicar que a listaxe definitiva de persoas aspirantes admitidas e excluídas está exposta no taboleiro electrónico da USC e na web: <https://www.usc.gal/gl/institucional/goberno/area/xestionpersoal/PAS/oep/listado>

Terceiro. Convocar as persoas aspirantes admitidas e que non están exentas, para a realización do segundo exercicio da fase de oposición o luns, día 3 de febreiro de 2025, ás 10.00 horas, na aula seminario da Facultade de Dereito (avenida Dr. Ángel Echeverri, s/n, 15782 Santiago de Compostela). Non se realizará o primeiro exercicio dado que todas as persoas admitidas acreditan coñecemento de galego.

A publicación dos sucesivos anuncios de realización dos demais exercicios efectuarase polo tribunal nos locais onde se realizase a proba anterior, no taboleiro electrónico da universidade e na páxina web:

<https://www.usc.gal/gl/institucional/goberno/area/xestionpersoal/PAS/oep/listado>

CVE-DOG: a7vkkzt6-af00-9fm0-92u3-0srijfdv96l2



Contra esta resolución, que esgota a vía administrativa, poderase interpoñer un recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Non obstante, as persoas interesadas poderán interpoñer un recurso potestativo de reposición no prazo dun mes perante o órgano que a ditou. Neste caso non se poderá interpoñer o recurso contencioso-administrativo antedito mentres non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela, 3 de decembro de 2024

Antonio López Díaz
Reitor da Universidade de Santiago de Compostela

CVE-DOG: a7vkkzt6-af00-9fm0-92u3-0srijfdv96l2

